



NEWSLETTER BR. 25

NOVEMBAR 2016

FIPA AKTIVNOSTI ▶

- » Učešće FIPA-e na Forumu bh. dijaspore u Švicarskoj
- » I. Poslovni forum održan u Vitezu
- » Direktor FIPA-e posjetio Elektroprivredu HZHB dd Mostar
- » FIPA prezentacija na Poslovnom Forumu Slovačka-Bosna i Hercegovina
- » FIPA učestvovala na Bečkom ekonomskom forumu (Vienna Economic Forum)
- » FIPA-Udruženje poslodavaca FBiH : Novi nameti opterećuju investitore
- » Predstavnik FIPA-e prisustvovao MUSIAD Expo 2016 u Istanbulu
- » Princ Jordana posjetio FIPA-u
- » Učešće FIPA-e na okruglom stolu „Regionalne investicije i statistički pokazatelji razvoja“
- » Posjeta kompanijama Ulek doo i Roto Line doo iz Srebrenika
- » Učešće FIPA-e na RENEXPO BiH 2016
- » Suradnja FIPA-e i GIZ-a na projektu „Podrška primjeni preferencijalnih pravila o porijeklu robe“
- » Direktor FIPA-e učestvovao na Investment Policy Forumu u Vašingtonu
- » FIPA posjetila kompanije Mann Hummel BA i AP-Atelier iz Tešnja

SADRŽAJ

FIPA AKTIVNOSTI ▼

▼ UČEŠĆE FIPA-E NA FORUMU BH.
DIJASPORE U ŠVICARSKOJ



I. POSLOVNI FORUM
ODRŽAN U VITEZU ▼



...I JOŠ FIPA AKTIVNOSTI...



UČEŠĆE FIPA-E NA FORUMU BH. DIJASPORE U ŠVICARSKOJ



„Forum dijaspore BiH u Švicarskoj“ održan je 26. novembra 2016. godine u organizaciji nevladine organizacije „i-platform – Dijaspora za razvoj Bosne i Hercegovine“ u suradnji s Agencijom za razvoj Švicarske (SCD). Forum je bio posvećen lansiranju „i-platforme“, predstavljanju njenog daljeg razvoja, unapređenju uspješne suradnje između dijaspore i BiH, kao i doprinosu dijaspore ekonomskom razvoju BiH.

U okviru panela o investiranju u BiH, predstavnik FIPA-e doc.dr. Maida Bećirović predstavila je aktivnosti Agencija, te istakla da je FIPA servis dijaspori u njihovom investiranju i otpočinjanju djelatnosti u Bosni i Hercegovini. Također su predstavljene prednosti investiranja u Bosnu i Hercegovinu, kao i sektori atraktivni za ulaganja sa konkretnim projektima za ulaganja.

Dijaspora u Švicarskoj je pokazala veliki interes za ulaganje u BiH. Bilo interesantno čuti predstavnike dijaspore koji već imaju djelatnost u Bosni i Hercegovini, a koji su istakli da je, uprkos određenim nedostacima, BiH zemlja koja pruža odlične mogućnosti za strane investitore.

O značaju ove manifestacije govori i činjenica da je forumu prisustvovalo preko stotinu učesnika, članova više udruženja dijapore u Švicarskoj, poslovnih ljudi kao i Ambasador BiH Andelko Grahovac, ambasadorica Švicarske u BiH Andrea Rauber Sacher, kao i predstavnici Agencije za razvoj Švicarske.



I. POSLOVNI FORUM ODRŽAN U VITEZU



U organizaciji Privredne komore FBiH, pod pokroviteljstvom Predsjednika FBiH g. Marinka Čavare, 24. novembra 2016. godine održan je I. Poslovni forum u Vitezu.

U panel diskusiji „Europske integracije: Ekonomski politika BiH - izazovi, prilike, prijetnje“, zamjenica direktora FIPA-e Blaženka Mlšković je govorila o regionalnoj suradnji u oblasti investicija, naglasivši kako su susjedne zemlje i zemlje EU najveći investitori u BiH.

Pored tradicije u poslovnoj suradnji, blizini tržišta EU, sirovinskoj i resursnoj bazi, značajnu ulogu imaju Sporazumi o slobodnoj trgovini, te Sporazumi o izbjegavanju dvostrukog oporezivanja i Sporazumi o promociji i zaštiti investicija koje BiH ima potpisane s drugim zemljama.

Prisutnima su se između ostalih obratili i ministar vanjske trgovine i ekonomskih odnosa BiH g. Mirko Šarović, te zamjenik ministra vanjskih poslova BiH g. Josip Brkić.

Forumu je prisustvovalo stotinjak gostiju: poduzetnici, predstavnici entitetskih i kantonalnih vlada, načelnici općina, te predstavnici medija.



DIREKTOR FIPA-E POSJETIO ELEKTROPRIVREDU HZHB DD MOSTAR



Direktor Agencije za unapređenje stranih investicija u BiH (FIPA) Gordan Milinić sa suradnicima održao je sastanak sa direktorom kompanije Elektroprivreda HZHB dd Mostar Marinkom Gilja.

Na sastanku je g. Milinić upoznao direktora Gilju o iskazanom interesu potencijalih stranih investitora za projekte iz energetskog sektora, čiji je vlasnik Elektroprivreda HZHB Mostar. FIPA je u predhodnom periodu inicirala i održala niz sastanaka sa zainteresiranim potencijalnim investitorima koji su pokazli interes za energetski sektor BiH, gdje je informirala investitore o zakonskom okviru kada je riječ o ovom sektoru, mogućim oblicima suradnje, feed-in tarifama, članstvu u Energetskoj zajednici JIE, trenutnom izvozu i potencijalima termo, hidro, vjetro i solarne energije.

Razgovarano je i o mogućnostima za strane investitore kada je riječ o projektima Elektroprivrede HZHB Mostar.

Direktor Gilja je informirao predstavnike FIPA-e o trenutnom stanju u kojem se nalaze projekti TE Kongora, TE Čelebići, zatim hidroelektrane na rijekama Tihaljina, Mlade, Trebižat, Lištica i Šujica, te realnoj mogućnosti da se za neke od navedenih projekata traže strani partneri.



FIPA PREZENTACIJA NA POSLOVNOM FORUMU SLOVAČKA-BOSNA I HERCEGOVINA



U toku službene posjete ministra vanjskih i europskih poslova Republike Slovačke Miroslava Lajčáka BiH, Vanjskotrgovinska komora BiH organizirala je 21. novembra 2016. godine u Sarajevu Poslovni forum Slovačka-Bosna i Hercegovina.


Tom prilikom je Nina Pobrić, šef Odsjeka za promociju investicija u FIPA-i, održala prezentaciju o poslovnom ambijentu, prednostima Bosne i Hercegovine za strane investitore i investicijskim potencijalima Bosne i Hercegovine. Delegacija od 19 predstavnika firmi i privrednika iz Republike Slovačke je imala priliku čuti informacije o ugovorima o slobodnoj i preferencijskoj trgovini koje BiH ima zaključene sa brojnim zemljama, zatim informacije o poreznom sistemu, visini operativnih troškova, dostupnoj radnoj snazi, atraktivnim sektorima i projektima za ulaganje.

Nakon Poslovnog foruma predstavnica FIPA-e je održala sastanke sa zainteresiranim slovačkim kompanijama.

Direktor slovačke firme Credo Agency, koja posluje u BiH, Daniel Dobrota govorio je o uvjetima poslovanja u zemljama Balkana, gdje ima kćerke kompanije koje se bave obnovljivim izvorima energije. Pojasnio je da je procedura nabavke dozvola za rad slična u svim zemljama Europe, ali je kao lično iskustvo naveo da se u zemljama Balkana do toga dolazi jednostavnije nego, primjera radi, u Slovačkoj.



FIPA UČESTVOVALA NA BEČKOM EKONOMSKOM FORUMU (VIENNA ECONOMIC FORUM)



Direktor Agencije za unapređenje stranih investicija u BiH (FIPA) Gordan Milinić učestvovao je na 13. Bečkom ekonomskom forumu koji se održao 21. novembra 2016. godine u Beču.

U okviru sesije pod nazivom "Investment Strategy Regional and Worldwide - Cooperation is on demand!", direktor Milinić je govorio o iskustvima BiH, promotivnim aktivnostima FIPA-e i investicijskim strategijama, značaju agencija za promociju investicija, važnosti unapređenja poslovnog ambijenta i potrebama investitora. Skrenuo je pažnju i na eventualnu otežanu situaciju u kojoj bi se našli strani investitori u slučaju da ovakve agencije ne postoje, zatim značaju regionalne suradnje i promocije, ključnim izazovima za budućnost, kao i daljnjim planovima i aktivnostima.

Na sesiji su učestvovali predstavnici sličnih agencija Hrvatske, Turske, Makedonije, Srbije, Kine i Austrije, kao i direktor WAIPA-e g. Bostjan Skalar.

Direktor Milinić je Forumu prisustvovao i kao član Komiteta predsjednika Agencija za promociju stranih investicija - članica Bečkog ekonomskog foruma (Member of the Committee of Presidents of Investment Agencies of VEF) i kao član World Association of Investment Promotion Agencies (WAIPA).

Vienna Economic Forum je nezavisno privredno i političko udruženje koje okuplja zemlje od Jadranskog do Crnog mora povezujući investitore sa regionima i privrednim djelatnostima koji pružaju povoljne uslove finansiranja.

Na forumima koje organizira spomenuto nevladino udruženje se razmatraju aktuelna privredna pitanja, rješenja, kao i planovi za naredni period.



FIPA - UDRUŽENJE POSLODAVACA FBiH: NOVI NAMETI OPTEREĆUJU INVESTITORE



Na sastanku direktora Agencije za unapređenje stranih investicija BiH (FIPA) Gordana Milinića, direktora Udruženja poslodavaca FBiH Mladena Pandurevića, kao i predstavnika kompanija Natron-Hayat Maglaj i Sisecam Soda Lukavac Adisa Mustabašića i Vejsila Huremovićarazgovarano je o administrativnim preprekama sa kojima se ove firme suočavaju u poslovanju u BiH, kao i o predloženim izmjenama zakona o dohotku i doprinosima koji dodatno opterećuju cijenu rada u FBiH u iznosu od 5%.

Ovom prilikom, privrednici su istakli da predložene izmjene zakona umjesto da stimulišu djelatnost kompanija, dodatno obeshrabruju postojeće investitore, što za posljedicu ima smanjenje ulaganja i broja zaposlenih, pri nezaposlenosti u postotku od 27,7%.

Predstavnici Sisecam Soda su istakli probleme oko dobivanja urbanističke saglasnosti i građevinske dozvole u situaciji kada su se odlučili za pokretanje novog proizvodnog pogona i kada su dobili kreditna sredstva, a da pri tome trebaju čekati skoro godinu dana da dobiju potrebne dozvole da bi krenuli sa investicijom. Također su istakli probleme vezane za sporost sudova, navodeći slučaj da su u radnom sporu presudu čekali 5 godina.

Ovakva sporost administracije je nedopustiva u situaciji kada imamo sve manje investicija, a sve veći broj nezaposlenih. Također, iako BiH raspolaze značajnim zalihama uglja, firma uvozi ugalj iz Rumunije i Bugarske. Predstavnici Natron-Hayata koji posluju u 11 zemalja svijeta, istakli su činjenicu da će planirano proširenje kapaciteta u BiH morati stopirati, s obzirom na predviđene izmjene spomenutih zakona, kao i ostale administrativne prepreke sa kojima se suočavaju. Istaknuto je da mijenjanje zakona u procesu realizacije investicija šalje poruku o nepredvidivom poslovnom okruženju u BiH i nije uobičajena praksa u svijetu.

Dogovoren je da FIPA intervenira u okviru svojih nadležnosti kod mjerodavnih institucija i tijela u slučajevima sporosti administracije, te da zajedno sa Udruženjem poslodavaca FBiH nastavi raditi na rješavanju administrativnih prepreka za strane ulagače.



PREDSTAVNIK FIPA-E PRISUSTVOVAO MUSIAD EXPO 2016 U ISTANBULU



U periodu od 9. do 12. novembra 2016. godine u Istanbulu, predstavnik FIPA-e Nina Pobrić prisustvovala je 16. Međunarodnom sajmu MUSIAD EXPO 2016, 20. Međunarodnom poslovnom forumu (IBF) i 3. "High Tech Port by MUSIAD".

MUSIAD Expo i Međunarodni poslovni forum (IBF) održali su se u zatvorenom prostoru od 100 000 m² na čijem otvorenju je prisustvovao predsjednik Republike Turske Recep Tayyip Erdogan, a na zatvaranju Premijer Turske Binali Jildirim.

Na sajmu je prisustvovalo više od 700 domaćih i međunarodnih izlagača i više od 7.500 privrednika iz 123 zemalje. Kompanije učesnice sajma i foruma su bile iz energetskog, automobilskog, metalnog, poljoprivrednog, tekstilnog, drvnog, ICT, vojnog sektora, itd.

Navedeni događaji predstavljali su idealnu priliku za upoznavanje velikog broja turskih i drugih kompanija u cilju informiranja o prilikama i mogućnostima ulaganja u BiH.



PRINC JORDANA POSJETIO FIPA-U INTERES ZA ULAGANJE U SOLARNU ENERGIJU U BIH



Zamjenik direktora Agencije za unapređenje stranih investicija u BiH (FIPA) Blaženka Mišković sa suradnicima primila je NJ.V. princa Jordana Mohammeda Abbasa Bin Alija u pratnji nekoliko savjetnika i dva privrednika iz Libije.

Kao zastupnik američke kompanije Eco-Gen Energy, princ Bin Ali se interesirao o mogućnostima ulaganja u solarnu energiju u BiH, prezentirajući sistem proizvodnje solarne energije sa hibridnim generatorima uz korištenje litij-ionskih baterija, koji doprinosi značajnoj energetskoj učinkovitosti i smanjenju troškova za električnu energiju. Također se interesirao o tržištu električne energije, principu izvoza i cijenama električne energije.

Predstavnici grupacije Alrabeea Group koji se bave proizvodnjom spužve i madrača, pamuka i dječijih pelena, a u okviru koje posluje fabrika za proizvodnju svih vrsta sendvič panela, iskazali su interes za ulaganje u drvni sektor BiH, odnosno u proizvodnju namještaja.

Predstavnici FIPA-e su gostima prezentirali tražene informacije vezane za elektro-energetski sektor, ističući spremnost FIPA-e da pomogne oko uspostavljanja kontakata sa nadležnim institucijama za energetski sektor u BiH, kao i da pruži svaki drugi vid podrške za realizaciju investicije.

Prezentirani su trenutno raspoloživi projekti iz oblasti drvnog sektora, kao i informacije vezane za privatizaciju u ovoj godini. FIPA ostaje u kontaktu sa spomenutim investitorima radi pružanja dodatne podrške i informacija.



UČEŠĆE FIPA-E NA OKRUGLOM STOLU “REGIONALNE INVESTICIJE I STATISTIČKI POKAZATELJI RAZVOJA”




U organizaciji Agencije za statistiku BiH, Republičkog zavoda za statistiku Srbije i Europskog pokreta Srbija održan je 16. novembra u Beogradu okrugli sto na temu „Regionalne investicije i statistički pokazatelji razvoja”, na kome se govorilo o značaju koji statistički podaci imaju za privlačenje stranih investicija i regionalni ekonomski razvoj.

Predstavnik FIPA-e dr. Maida Bećirović održala je prezentaciju: Postinvesticiona podrška stranim investitorima, kao generator većeg priliva FDI - najbolja iskustva i prakse.



POSJETA KOMPANIJAMA ULEK DOO I ROTO LINE DOO IZ SREBRENIKA



Predstavnik Agencije FIPA Nina Pobrić, zajedno sa predstavnicima Općine Srebrenik Nerminom Turšićem, Nusretom Šerifovićem i Adnanom Bjelićem, te predstavnikom Ministarstva razvoja i poduzetništva Tuzlanskog kantona Adisom Gotovušić, u utorak 8. novembra 2016. godine posjetili kompanije Ulek doo i Roto Line doo iz Srebrenika.

Predstavnici kompanije Ulek doo predstavili su prisutnim njihovo iskustvo kada je u pitanju poslovno okruženje u BiH, preprekama i problemima sa kojima se suočavaju u poslovanju i o planovima daljnog širenja u Tuzli. Kompanija Ulek doo se bavi proizvodnjom trenerki za žene, muškarce i djecu modne marke Deep Blue koje se mogu naći u svim prodajnim jedinicama TC Bingo u BiH. Kompanija je između ostalih članica Tursko-bosanskohercegovačkog udruženja privrednika koje je osnovano sa ciljem unapređenja suradnje turskih i bh. kompanija, promociju investicija i izvoza.

Sastanak u kompaniji Roto Line doo je održan sa direktorom Halilom Yildirimom. Kompanija Roto Line je također investicija iz Republike Turske koja trenutno zapošljava 25 ljudi i bavi se proizvodnjom i maloprodajom PVC stolarije.



UČEŠĆE FIPA-E NA RENEXPO BIH 2016



FIPA je i ove godine bila partner u organizaciji i aktivni učesnik Trećeg sajma i konferencije RENEXPO® BiH 2016, najveće platforme za eksperte o obnovljivim izvorima energije, energetskoj efikasnosti i zaštiti okoliša u Bosni i Hercegovini, koji se održao 9. i 10. novembra u hotelu Hills u Sarajevu.

Na ovom značajnom događaju su se okupili brojni strani investitori, predstavnici relevantnih ministarstava, elektroprivrednih kompanija, Saveza općina i gradova, kao i direktori i predstavnici stranih i lokalnih kompanija iz sektora energetske efikasnosti i obnovljivih izvora energije.

FIPA je pored pomoći u organizaciji konferencije, učestvovala sa četiri prezentacije o energetskim potencijalima i aktuelnim projektima (vjetroenergija, hidroenergija, fotonapon, biomasa) koji su predstavljeni stranim izlagačima i potencijalnim investitorima na sajmu.



SURADNJA FIPA-E I GIZ-A NA PROJEKTU „PODRŠKA PRIMJENI PREFERENCIJALNIH PRAVILA O PORIJEKLU ROBE



U okviru priprema za GIZ projekat "Custom(s) made - Podrška primjeni preferencijalnih pravila o porijeklu robe, predstavnici FIPA-e i GIZ-a su razgovarali o tome kako pitanje porijekla robe može uticati i na odluku o investiranju u određene zemlje. Predstavnici FIPA-e su pružili sve potrebne informacije o preferencijalnom režimu i uticaju koji on može imati na odluku potencijalnog investitora o investiranju.

Projekat ima za cilj unaprijediti pristup privatnog sektora informacijama od značaja za izvoz u dijelu mogućnosti preferencijalne trgovine i pravila o porijeklu robe. Ciljna grupa projekta su izvozno orijentirana preduzeća, posebno ona koja posluju u sektorima targetiranim novim pravilima o porijeklu robe (puna kumulacija), a u koje spada sektor tekstilnih i odjevnih proizvoda, kao i srodni sektori proizvodnje obuće i prerada kože.

Pilot faza projekta će obuhvatiti tri zemlje regije (BiH, Makedoniju i Srbiju), sa fokusom na tekstilni sektor, pa su partneri u ovom projektu organizacije i udruženja privatnog sektora, u prvom redu sektorske asocijacije i komore.

Dogovoren je nastavak suradnje FIPA-e i GIZ-a na ovom projektu.



DIREKTOR FIPA-E UČESTVOVAO NA INVESTMENT POLICY FORUMU U VAŠINGTONU




Na osnovu poziva organizatora Grupacije Svjetske Banke, direktor FIPA-e Gordan Milinić je 1. novembra 2016. godine učestovao na Investment Policy Forumu u Vašingtonu. U toku panela o sistemskom mehanizmu rješavanja otvorenih pitanja i problema investitora, direktor Milinić je održao prezentaciju o praksi u Bosni i Hercegovini, Suradničkoj mreži za postinvesticionu podršku stranim investitorima, kao i reinvesticijama i zadržavanju postojećih stranih investitora u BiH.

Direktor FIPA-e je prezentirao dobru praksu iz BiH i podijelio iskustva sa drugim učesnicima, s obzirom na odlične rezultate koje je Suradnička mreža ostvarila u prethodnom periodu. Suradničku mrežu trenutno čine 27 članica (predstavnici općina, gradova, kantona i nadležnih entitetskih i državnih ministarstava), a planirana su dodatna proširenja i uključivanje novih članica. Program postinvestacione podrške investitorima predstavlja prvi sveobuhvatni program sa ciljem motivacije postojećih investitora u BiH na reinvestiranje i poboljšanje veza sa lokalnom privredom.

Članice Suradničke mreže su u periodu januar 2013- juni 2016 posjetile 240 kompanija, od kojih je 73,5% najavilo nova ulaganja, zatim je identificirano 520 otvorenih pitanja/problema kompanija od čega je 129 (25%) riješeno, za 195 (38%) se trenutno radi na rješavanju, a 162 (31%) zahtjevaju duži vremenski period za rješavanje. Upravo zbog toga, FIPA na osnovu ovog Programa priprema svake godine Izvještaj za Vijeće ministara BiH u kojem predlaže koje izmjene u zakonskoj i podzakonskoj regulativi moraju biti usvojene kako bismo podstaknuli nove investicije i zadržali postojeće. Investment Policy Forum je organiziran na veoma visokom nivou, na kojem su učestvovali visoki zvaničnici Svjetske banke, predstavnici državnih institucija velikog broja zemalja, uključujući i gđu Lisu Kubiske, zamjenicu pomoćnika državnog sekretara za međunarodne finansije i razvoj Sjedinjenih Američkih Država. Nakon Foruma g. Milinić je održao radni ručak sa visokim zvaničnicima Svjetske Banke na kojem se razgovaralo, između ostalog, o dalnjem unapređenju sistemskog mehanizma rješavanja otvorenih pitanja i problema investitora u BiH, kao jednom veoma uspješnom mehanizmu. Također, direktor FIPA-e je ovom prilikom održao sastanke sa potencijalnim investitorima i infomirao ih o konkurentnosti i profitabilnosti BiH i aktuelnim projektima i mogućnostima za ulaganje.



FIPA POSJETILA KOMPANIJE MANN HUMMEL BA I AP-ATELIER IZ TEŠNJA



U okviru programa Aftercare (postinvesticiona podrška stranim investitorima), dr. Ismar Alagić, direktor TRA Agencije za razvoj Općine Tešanj, i Nina Pobrić, šef Odsjeka za promociju u FIPA-i, posjetili su 28. oktobra 2016 firme Mann Hummel BA, Inox Ajanović i AP-Atelier.

Tokom posjete firmi Mann Hummel BA u razgovoru sa direktorom Mahmutom Galijaševićem razgovarano je o izazovima sa kojima se susreću strani investitori pri poslovanju u Bosni i Hercegovini. U slučaju spomenute firme, ukazano je na potrebu unapređenja carinjenja uvoznih repromaterijala kroz koncept kućnog carinjenja u skladu sa važećim pozitivnim zakonskim rješenjima. Mann Hummel BA predstavlja modernu i dinamičnu kompaniju koja upošljava više od 550 zaposlenika.

Osnivači kompanije AP-Atelier d.o.o. su Inox-Ajanović d.o.o. Tešanj i Plan Vast B.V. iz Holandije. Prema riječima Dženane Hodžić, direktorice kompanije, ukupna dosadašnja ulaganja iznose 2 miliona KM, a planirana su i dodatna ulaganja.

AP-Atelijer se bavi proizvodnjom stolica od inoxa i kože, trenutno proizvodi 500 stolica sedmično, a planiraju dostići 2.000 komada sedmično.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša prliv stranih ulaganja u našoj zemlji. Agencija sarađuje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privavnim sektorima BiH. Pokazatelji koji se odnose na prliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko sarađuje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privavnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba



INVEST IN
BOSNIA AND HERZEGOVINA
YOUR NEW
OPPORTUNITY

WWW.FIPA.GOV.BA